

von Wulf Wager

Pietischta ond 's Feira



Pietismus isch a evangelische Glaubensrichtung, dia vor allem uf de Fildra ond en a paar Flecka rond om Stuegert stark warat oder send. Do goht's om Herzensfrömmigkeit. Tanz, Museg ond andere scheene Sache send in dene ihre Auga Teufelswerk, des die Stondaleut ablehnt. Selbst dr grauß schwäbisch Dichtr Sebastian Blau hot die Stondaleut betextet (Auszug):

Schwaaz dr Huat ond schwaaz es Fräckle
ons s Gehabe gsalbet fromm,
ond a gottergebas Gschmäckle
om de' ganze' Ranze' rom.


....
Glaubsch mrs, dass vor sotte Denger
s Kreuz sogar dr Teufel schlecht
ond ob deane Stondegänger
schier katholisch weara möcht?

Wo dr Vaddr von ma bekannta Drugger aus Bernhause
amol en seiera Jugend (also vor em Kriag) zu ra Hauzich
eiglada war ond sei Muadr gfrogt hot, ob'r dort naganga
derft, no hot des sei pietistische Muadr et zuglau. Er hot
no da Hinweis geba, dass dr Herr Jesus jo schließlich sel-
ber uf ra Hauzich in Kanaan gwä ischt. No hot se bloß
gsait: "Der hätt kenna au drhoim bleiba!". So send Pie-
tischta, frömmelnder als dr Herrgott selber.

Übrigens: Am Freidich ben i als Schdudiogascht en d'
SWR-Landesschau ei'lagda. Ab ca. 19.20 Uhr kennat dr
ei'schalda. Dät me freia, wemmr aos sehat.

Bis näggschd Woch'

Ihr



Wulf Wager